

## **Gbaŋ Kaai Ate JŌŌN A ŊMARISI A SAA SIYEWA La**

<sup>1</sup> Mi nisomawa nna ale a ŋmarisi gbaŋka de a te nipok waai ate Naawen a lueri la ale wa bisaŋa baai ate m ta yaalika nna yegayega ale ba la. Daa mi nyiini ale ta yaalika ale ni, alege ka baai meena ale seba Naawen wensie wienja la me ale a yaali ni, <sup>2</sup> dii nyin la, wensie ŋala a bo ti meena suniima po kama a ta a cheŋ dii po meena wuu.

<sup>3</sup> Mi a saalim kama ayen ti Kowa Naawen ale wa Biika Yeezu Kirisita le niak ti meena abe ba ta jirim ale ti a te ti suyogini, ate ti бага a va wensie ŋala nalimnyiini abe ti a yaali chaab.

<sup>4</sup> Mi sui a peenti ka nna yegayega, dii nyin la, mi nya fi bisaŋa ba gela kama ale ba a va wensienja ŋaai ate ti Kowa Naawen a weeni ti ayen ti a va la. <sup>5</sup> Dila nyin la, mi a saalim fu kama m dek tua ayen, fi a va Naawen sinsak ŋaai ate ti wom a ta nyini ku piilimka po la. Na po dinyi a weeni ti kama ayen ku nala kama ate ti a yaali chaab. <sup>6</sup> Yaalika de ate mi a ŋmarisi la a sak kama ayen ti a zuli Naawen sinsaŋŋa. Sinsak ŋaai ate ni meena a wom a ta nyiini piilimka po la ale ni meena a boro ale yaalika.

<sup>7</sup> Daŋa de po pimpaasima nna yegayega ale boro. Ba kan siagi ayen Yeezu Kirisita a sin jam tenzuk de kama ase nurubiik la. Nuru baai ale kan a siagi dila la ka pimpaasima ale chim

wa dachaasa. <sup>8</sup> Dila nyin la, ni kpesi ni dek nalimnyiini ate ni kan nman a basi tama ale sak ni dii la. Ate ni kan jogi tama ale tom dii la ate ni tuesi ni tutunaja meena.

<sup>9</sup> Waai abe ale kan a va dii ate Kirisitawa sak ti la, alege pa wa dek wie a gum du la, nuru wala choa daa Naawen nuru. Alege waai ale va sinsanja dila la, a ta Naawen Kowa ale wa Biika Yeezu kama. <sup>10</sup> Dila nyin la, nuru waai a dan jam ni jigi a yaali ayen wa pa wa le ta dii la a gum dii ate tama a sak ni la po, ni kan te wa tia, alege ni yiaak wa ate wa chej. Ni kan poom a ta wa a ga basi siuwa. <sup>11</sup> Baai ale a zuli wa la, bala me a tom ka tuimbaata a se wala dek la.

<sup>12</sup> M ta ka wie nna yegayega ayen m weeni a sak ni, alege m kan nman a yaali ayen m nmarisi yogyogla de. Mi a yaali kama ayen m dek jam ni jigi ate ti baga biisi na wie ale chaab. Ti dan nye dila ti meena suniima le peenti nna yegayega.

<sup>13</sup> Kirisita bisaaja ale a tu chaab la, a puusi ni.

**The New Testament in the Buli language  
(Ghana)**

**Buli: The New Testament in the Buli language  
(Ghana) (New Testament)**

copyright © 2003 Wycliffe Bible Translators, Inc.

Language: Buli (Ghana)

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

24aad1ee-9f16-5a40-b094-5b16e513253a